



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 09-3-02-1634-2/16

Sarajevo, 06. 09. 2016. godine

Na osnovu člana 69. stav (1) tačka b) i člana 70. st. (1), (2), (4) i (6), Zakona o javnim nabavkama („Službeni glasnik BiH“ broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 61. stav 2. Zakona o upravi („Službeni glasnik BiH“ br. 32/02 i 102/09), ministar vanjske trgovine i ekonomskih odnosa Bosne i Hercegovine, donosi

ODLUKU
o poništenju postupka javne nabavke
usluga servisiranja vozila

I

Ovom Odlukom, na prijedlog Komisije za javne nabavke Ministarstva vanjske trgovine i ekonomskih odnosa BiH (u daljem tekstu: Komisija) poništava se konkurentski postupak nabavke usluga servisiranja vozila broj 673-7-2-8-3-6/16 od 19.7.2016. godina, iz razloga učinjenih propusta u primjeni člana 15. stav (2) tačka e), kao i člana 53. stav (4) Zakona o javnim nabavkama (u daljem tekstu: ZJN).

II

Za realizaciju ove Odluke zadužuje se Sektor za pravne i opće poslove, Odsjek za materijalno finansijske poslove Ministarstva vanjske trgovine i ekonomskih odnosa Bosne i Hercegovine.

III

Ova Odluka stupa na snagu danom donošenja.

O b r a z l o ž e n j e

Ministarstvo vanjske trgovine i ekonomskih odnosa Bosne i Hercegovine (u daljem tekstu: Ugovorni organ) je dana 19.05.2016. godine, Odlukom broj 07-3-02-1634/16, pokrenulo konkurentski postupak za nabavku usluga servisiranja vozila i isti je, dana 19.07.2016. godine, pod brojem 673-7-2-8-3-6/16, objavljen na portalu javnih nabavki Agencije za javne nabavke BiH.

Nakon otvaranja ponuda, obavljenog na sjednici Komisije, dana 03.08.2016. godine uočeni su predhodno učinjeni propusti tehničke prirode, a koje je Komisija ocijenila dovoljno relevantnim s aspekta moguće suštinske promjene predmeta nabavke. Stoga, Komisija je, na sastanku održanom 10.08.2016, godine, dala preporuku da se donese odluka o poništenju postupka obzirom da su uočeni sljedeći propusti u pripremi tenderske dokumentacije:

1. Planom javnih nabavki MVTEO za 2016. godinu je predviđeno da se okvirni sporazum za usluge servisiranja vozila zaključi na period od 24 mjeseca, za koji su navedene i procijenjene vrijednosti servisiranja vozila za svih 5 LOT-ova. Međutim, u tenderskoj dokumentaciji je pogrešno navedeno da će se okvirni sporazum zaključiti na period od 12 mjeseci, a navedene procijenjene vrijednosti se odnose na period od 24 mjeseca, **što nije u skladu sa članom 15. stav (2) tačka e) ZJN.**
2. Također je uočen propust u Aneksu 5 tenderske dokumentacije u kojem se traži dostava popunjenog obrasca Izjave o obaveznoj primjeni preferencijalnog tretmana domaćeg. Naime izjava u navedenom aneksu se odnosi na nabavke robe (kao i dostavljane dokaza od nadležnih institucija vezanih za nabavku robe), umjesto usluga koje su predmet ovog postupka, **a što nije u skladu sa članom 53. stav (4) Zakona o javnim nabavkama.**

Shodno navedenom, Komisija je u skladu sa članom 69. stav (1) tačka b) Zakona o javnim nabavkama dala preporuku da se u predmetu nabavke usluga servisiranja vozila donese odluka o poništenju postupka nabavke kao i pokretanje novog postupka nabavke.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se u pisanoj formi izjaviti žalba, najkasnije u roku od 5 dana po prijemu Odluke. Žalba se podnosi Ugovornom organu.



Dostaviti:

- Sektoru za pravne i opće poslove
- a/a